

# kontuola

**KONTUOLA, Idolaz elkartea, ANTZUOLA. Kazarria:** Marijo Deogracias, Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 78. zenbakia. 2001eko maiatzaren 4a.*

## Aritz Berraondo, finalean

### Datorren denboraldian lehen mailan jokatuko du

**Gaur, egubakoitza, jokatuko du Aritz Berraondok eskuz banakako bigarren mailako finala Xalaren aurka, Donostian. Irabazten ez badu ere, datorren denboraldian lehen mailan jokatuko du, eta hori nahikoa garaipen da, bere ustez.**

**H**amar bat urterekin hasi zen pilotan Aritz. Txiki-txikitatik izan da kirolzalea, eta kirol guztiak probatu zituen: futbola, atletismoa, pilota... Baina, denborarekin, bat edo bestea aukeratzeko ordua iritsi zitzaion, eta pilotarekin jarraitzea erabaki zuen.

Horrela, Olalde pilota elkartean hasi zen, herriko beste hainbat ume bezala. Valentin Zabalo, eta, batez ere, Angel Mari Idiakez *Ezkio* izan zituen maisu.

Mutikotatik nabarmendu zen Berraondo, eta baita txapelketa ugari irabazi ere. Berak ere ondo gogoratzen ditu irabazitako txapelak. Oroitzapen polit asko daukala diosku: «zorte handia eduki dut, eta oroitzapen on asko daukat: Elgetako txapelketa irabazi nuenekoa, Argentinan



*Berraondo eta Idiakez Antiguoko txapelketan, 1994ko abuztuan.*

munduko txapelketa irabazi genuenekoa, Mexikokoa...».

Finalera begira, ondo ikusten du bere burua Aritzek, ilusioz beteta joango

da, nahiz eta badakien aurkari latza izango duela aurrean. Antzuolatik jende mordojoango da, ea horrek ere txapela eskuratzen laguntzen dion!

### «Finala zaila izango da; Aritz ondo dago, baina Xala ere bai»



**Andoni Azkargorta**  
Botileroa

**Finala zaila izango da,** Xalax oso ondo dagoela erakutsi baitu. Hala ere, Berraondo bera ere ondo dago, txapelketa hasi zenetik mentalizatuta dago. Zailena egin du, finalera iristea, eta pena izango litzateke, iritsi eta galtzea. Aritzek eskubiarekin oso bizi jartzen du pilota, oso urruti, eta horrekin min egiten saiatuko da.

### «Kolpez ondo dago, eta sakez min egiten asmatu behar du»



**Aitor Elkoro**  
Pilotaria

**Sasoi onean** ikusten dut Aritz finale-rako. Gainera, txapelketa ona egin duela uste dut. Hala ere, aurkari gogorra edukiko du egubakoitzean aurrez aurre. Xala baliabide handiko pilotaria da. Aritz kolpez ondo dago, eta sakearekin min egiten asmatzen baldin badu, nik uste dut badaukala txapeldun izateko aukera.




# Aurtengo aurrekontuak apirileko osoko bilkuran onartu zituzten

**Apirilaren 5ean** izan zen osoko bilkura, eta aho batez onartu zituzten aurtengo aurrekontuak. Guztira, 437 milioiko aurrekontua izango du aurten udalak.

Batzordeka, Hirigintzak edukiko du aurrekonturik handiena, %38,83, hain zuzen ere. Hurrengoa Kultura izango da %19,32rekin, 84 milioi guztira.

Aurrekontuko 437 milioietatik ia erdia, %49,05, hain zuzen ere, inbertsioetara bideratuko du udalak. Inbertsiorik aipagarrienak Hirigintzan eta Kulturaren egingo dituzte. Hirigintzan 128 milioi pezeta inbertituko dituzte; besteak beste, errekaren desbideraketa eta industrialdea egiteko lur-sailak erosten, umeendako jolas parkea egiten, eta hainbat urbanizazio lanetan.

Inbertsiorik handiena, hala ere, Kultura Etxea egiteko izango da. Aurreko urteetako diru partidei beste 63 milioi gehitu dizkio udalak aurtengo aurrekontuetan. Guztira, 230 milioi pezeta baino gehiagoko aurrekontua dauka Kultura Etxeak. Udaleko arduradunek, le-



henbailehen lanekin hasia espero dute, baina lanak egingo dituen enpresaren baten bila dihardute, gehienak lanez lepo dabilta-eta. Bestalde, aurtengo au-

rrekontuetan izan da berrikuntzarik: udalak Goienako bazkide laguntzaile izatea erabaki zuen, eta 200.000 pezetako ekarpena egingo du aurten.

## Debarroko txapelketan atxabaltarrak nagusi

**Aretxabaletako Errasti anaiek** izan dira txapelketako irabazleak nagusien mailan. Joan zen domekan jokatu zituzten txapelketako finalak Antzuolako frontoian. Errasti anaiek 21-22ko emaitzarekin irabazi zioten Muguruza-Gutierrez bikote bergararrari. Gazte mailan Azagirre eta Jauregi plazentziarrak izan ziren nagusi. Kadetetan, azkenik, Zuazua-Agirre mondragoetar bikotea izan zen txapelduna.



**GOROSTI**  
**Taberna**

☎ 943 76 62 96  
Zurrategi plaza ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

**AITZ-GARBI**



taberna  
jaketxea

**Pintxoak eta kazuelatxoak.**  
**Bazkariak eta afariak**

**Kalebarren 15. Tf. 943 78 70 51**



# Patxiko Txerrenen, 65 ipuin aurkeztu dituzte

**Duela lau bat urte-tik** antolatzen du Antzuolako Udalak Patxiko Txerren ipuin sariketa. Hamahiru urte bitartekoek parte hartu dezakete bertan. Ez da, hala ere, ipuin lehiaketa. Izan ere, udaleko arduradunen helburua herriko umeei parte hartu dezatela da, eta ez, onenari saria ematea. Parte hartuko duten guztien artean, baina, Asterix eta Obelixen eta Megaren hainbat liburu zozkatuko dituzte, datoren hilaren 14an. Gainera, ipuin guztiak liburuxka baten batuko ditu udalak, eta liburutegian eta eskolan egongo dira irakurgai.

Iaz arte, lau urtez, nagusiendako literatura lehiaketa ere antolatu zuen Antzuolako Udaleko Kultura batzordeak, Patxiko Txerren izenarekin hau ere. Hala ere, oso jende gutxi parte hartzen zuela ikusita, nagusiendako lehiaketa hori bertan behera lagatzea erabaki zuten.

## ANTZUOLAR BATEN NOBELA

Patxiko Txerren izena jarri zioten ekimen horri, 1890ean argitaratutako liburu baten oroimenez. Antero Apaolazak idatzi zuen nobela hori. Antero 1845. urtean jaio zen; jaiotzez urretxuarra zen arren, antzuolarra zuen ama, eta Antzuolan hil zen 1908an. Madrilen botikari ikasketak



*Patxiko Txerren, XVIII. mendeko nobela.*

egin zituen, eta Bergaran ireki zuen botika. Zinegotzia ere izan zen Bergarako Udalean; zinegotzi zelarrik, baina, gora-behera batzuk izan zituen, eta Antzuolara joan zen bizitzera, eta hemen ere botika bat jarri zuen. Berandu ekin zion literaturari, erretiratu eta gero, hain zuzen ere. Orduan idatzi zuen Patxiko Txerren. Nobela honetan Antzuolako Basalde auzoko familia baten gora-beherak kontatzen ditu Apaolazak. Antzuolako paraje ugari aipatzen ditu nobelan zehar: San Blas, Urkillu, Deskarga...

## JAIETARAKO AZALA EGITEKO LEHIAKETARAKO DEIALDIA EGIN DUTE

Antzuolako jaietarako egitarauaren azala lehiaketa bidez aukeratuko du aurtengo udalak. Deialdia egin dute dagoeneko, eta lanak aurkezteko epea zabalik dago ekainaren 1era arte. Baldintza bakarrak honako hauek dira: jai girokoa izan beharko du azalak; Antzuolakoek edota Antzuolan lan egiten dutenek izango dute parte hartzeko aukera; eta, azalean honako testu honek azaldu beharko du: Antzuolako jaixak 2001, uztailak 12-13-14-15. Saria 25.000 pezetakoa izango da.

## BALKOI ETA LEIHOETAKO LORE APAINKETA LEHIAKETA

Udaleko Kultura eta Kirol batzordeak herriko balkoi eta leihoetako lore apainketa lehiaketa antolatu du. Seigarren aldian izango da aurtengoa. Lehiaketa honekin lortu nahi dutena zera da: herriguneko ikuspegiaren irudian, etxetik hasita egin genezakeenaren garrantzia kontuan hartu eta bultzatzea. Lehiaketan, barietatea, osaketa eta etxearen kokapena kontuan hartuko dituzte. Bi sari banatuko dituzte ekainaren 23an: alde zaharreko balkoi eta leihoari 15.000 pezeta; eta, alde berriagokoari beste 15.000 pezeta.

## KUKUMARRO LEHIAKETA

San Isidro ferriari begira, berriz, Kukumarro lehiaketa antolatu dute udaleko arduradunek. Bertan, nahi duen edonork parte hartu dezake, bakarka zein taldeka. Hiru taldetan banatuko dute lehiaketa hau: 12 urtetik beherakoak, 12 urtetik gorakoak eta erretiratuak. Parte hartu nahi dutenek udaletxean edo liburutegian eman dezakete izena, maiatzaren 10a baino lehen. Erakusketa eta sari banaketa, berriz, maiatzaren 19an egingo dituzte. 12 urtetik beherakoendako, guztiendako egongo da saria, eta beste bi mailetan, 15.000 pezeta irabazleentzat.



IGELTSEROTZA

Jose Luis Zabalo

Birgaitzak • Fatxadak  
Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

## Igor eta Txomin



Margoak orokorrean

ANTZUOLA  
609 157 131

BERGARA  
609 150 164

## MUJIKA HARATEGIA



**Berezitasunak:**  
Etxean hazitako  
zekorrek eta oilaskoak

Kalebarren, 1. ANTZUOLA  
Tf. 943 76 64 34

## LEKU-BERRI MERENDEROA

Janariak eta edariak

Tf. 943 76 60 94



Isidro Zabaleta, Ugarte-Torre baserrikoa

# «Goizian mezia egoten zan, eta gero, bertsolarixak; ferixia, berriz, atsaldian»

**Maiatzaren 19an ospatuko dute San Isidro eguna Antzuolan. Baina ohiko ganadu feria ezin izango dute egin, ganaduen azkenaldiko osasun arazoak direla eta. Guk, Antzuolako ganaduzale batekin berba egin dugu, Ugarte-Torre baserriko Isidro Zabaletarekin, hain zuzen ere.**

**Z**er iruditzen zaizu San Isidroko ferian ganadurik ez egotea?

Aurten badakizu zer pasatzen dan: naparrixia dala eta ez dala...lehenago kuarentenia izeten zan, baiña oin kuarentenia pasau da eta debekuak aurrera segitzen dau. Dana dala, hemen behintzat naparrixarik ez da zabaldu. Dudia be egon zan, San Isidroko ferixia hilan 29ra atzeratu edo ez, debekua bukatuko zalakuan, baiña ez da holakorik izan eta 19xan egingo da azkenian, ganadu barik. Neurri hori errespetau biharrekua dala pentsatzen jat neri.

**Zela bizi du ganaduzale batek behien arazo hori?**

Hemen problemia badakizu zelakua dagon: jende dana ganadua kentzen dabil. Ganaduak ez dau ezertarako emoten. Etxe inguruak garbitu eta holakotarako ondo etortzen da, eta, ba, batzuk ganaduekin segitzen dogu. Geu garen bittartian behintzat segiko dau, ta gero, ez dakit ba nik, ikusi egin bihar. Gero, Diputaziñuak-eta be, egixa esan, ez dabe asko laguntzen, lagundu baiño, zaildu egitten doskue gau-



*Isidro Zabaletak ganadua eraman izan du feriara.*

zak: hor ibiltzen gara, haruntz eta honuntz, papelak dirala eta ez dirala. Sekulako segimentua emoten jaue ganadueri, eta hori ondo ikusten dot, baiña maria-riau egitten gaittue, laguntasun eta

eta hantxe egitten zan ganadu ferixia.

Saldu eta erosi be gehixago egitten zan. Gaiñera, maiatza garai aproposa zan idi zaharrak kendu eta berrixak erosteko. Udabarrizan soruan berriz lanian hasteko idi berrixak erosten ze-ban jendiak, ez urtero, baiña...

**Ganadu feriaz gain, besterik egoten al zen?**

Bai, herri kirolak be egoten ziran atsaldian: aizkora jokua, idi probak... Oin probalekua kenduta dago, baiña lehen frontoian zeguan. Iralakua eta Egurrabei-kua-ta, ibiltzen ziran idi probetan.

■ ■ ■  
«Ni mutikua nitzala, idixekin juten giñan ferixara, zaharrak saldu eta berrixak eroatera»  
■ ■ ■



**MUEBLES  
IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak  
Altzari rustikoetan  
espezializatuak

**LARREA**

**TABERNA**

**Kalebarren 17  
ANTZUOLA**